

[fol. 69v]

begeben vnd isemnach nitmehr zur Straff gezogen werden können, *punctirt* worden *per 1 lbd.*,  
*thuet*

1 fl. 8 kr. 4 hl.

Melchior Haimbkreitter, Preu Pfannenknecht alda, hat nebst seinen Helffer Michaeln Rherl vndter wehrentem Sudt aus Vnachtsambkeit den Maisch in etwas aufstehen lassen, derentwillen beede sambt ernstlichen Verweis solches ins könfftig gleich wohln zuuerheitten, an Gelt miteinander gestrafft worden vmb 2 *lbd.*, so treffen

2 fl. 17 kr.

Ignati Luckhenpacher, Balthasar Forchhamber, Joseph Peickhardt vnd Martin Wenzbichler sinnd nächtlicher weil yber die Zeit ausser dem Churfürstlichen Preuhaus in dennen Würthsheüern verbliben vnd vonentwillen jeder vmb  $\frac{1}{2}$  *lbd.* *punctirt* worden, so zusammen auswürfft

2 fl. 17 kr.

*Huius* 5 fl. 42 kr. 4 hl.

[fol. 70r]

Joachim Schmidt von Maynburg vnd Georg Frelich von Frydberg gebürttig, beede Kueffergeselln alhier zu Kelhaimb, haben sich im Churfürstlichen Kueffhof vndter wehrenter Arbeith entzwayt vnd hierunder ainer dem andern etliche Fauststraich zuegefiegt, daher jeder *per*  $\frac{1}{2}$  *lbd.* *punctirt* worden, *thuet*

1 fl. 8 kr. 4 hl.

So haben auch Johan Georg Kherl vnd Mathias Kobler, beede Preuknecht alhier zu Kelhaimb, vmb Willen sye spatter Nachtszeit noch ausser dem Preuhaus gewest, zur Straff erlegen müessen

2 fl. 17 kr.

Georg Hönigschmidt, Preuknecht alda, aber hat des Preumaisters Hausschlissl, welchen sein, Preumaisters, Leüth verlohren, gefunden, aber nit gleich wider, wie es sich gebürtt het, an sein Gehör geben, sondern zway Tag bey sich behalten vnd derentwillen Straff bezalt

1 fl. 8 kr. 4 hl.

*Huius* 4 fl. 34 kr.